

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), a u skladu sa Ugovorom o saradnji zaključenim između Vlade Zeničko-dobojskog kantona i Međunarodne finansijske korporacije iz Grupacije Svjetske banke (International Finance Corporation) broj: 02-28-4630/13 od 26.02.2013. godine, na prijedlog Ureda Premijera, Vlada Zeničko-dobojskog kantona, na 117. sjednici, održanoj dana 18.07.2013. godine, d o n o s i

ODLUKU
o usvajanju preporuka za pojednostavljenje,
unapređenje i eliminaciju administrativnih postupaka

Član 1.
(Predmet Odluke)

Ovom Odlukom prihvata se Izvještaj Radne grupe za provođenje Projekta poboljšanja poslovnog ambijenta u Zeničko-dobojskom kantonu (u daljnjem tekstu Radne grupe), imenovane od strane Vlade Zeničko-dobojskog kantona, Rješenjem o imenovanju članova radnih tijela za provođenje Projekta poboljšanja poslovnog ambijenta u Zeničko-dobojskom kantonu, broj: 02-34-10736/13 od 08.05.2013. godine sa preporukama za pojednostavljenje, unapređenje i eliminaciju administrativnih postupaka na nivou Zeničko-dobojskog kantona, koji se nalazi u prilogu ove Odluke i njen je sastavni dio.

Član 2.
(Primjena preporuka)

Preporuke iz prethodnog člana, bit će primjenjeni od strane kantonalnih ministarstava i drugih tijela kantonalne uprave u obavljanju upravnih i sa njima povezanih stručnih i drugih poslova iz okvira svojih nadležnosti, nakon stupanja na snagu Odluke i donošenja provedbenih kantonalnih akata kojim će se detaljnije urediti pitanja vezana za njihovu primjenu.

Član 3.
(Rokovi za donošenje akata)

Rok za donošenje kantonalnih akata iz člana 3. Odluke čije donošenje je u nadležnosti kantonalnih ministarstava i drugih tijela kantonalne uprave iznosi 15 dana od dana stupanja na snagu Odluke.

Rok za donošenje kantonalnih akata iz člana 3. Odluke čije donošenje je u nadležnosti kantonalnih ministarstava i drugih tijela kantonalne uprave, a za koje akte je potrebna saglasnost Vlade Zeničko-dobojskog kantona iznosi 30 dana od dana stupanja na snagu ove Odluke.

Rok za utvrđivanje prijedloga akata iz člana 3. ove Odluke čije je donošenje u nadležnosti Skupštine Zeničko-dobojskog kantona iznosi 60 dana od dana usvajanja ove Odluke.

Član 4.
(Realizacija Odluke)

Zadužuju se rukovodeći državni službenici, da u skladu sa usvojenim preporukama iz člana 2. Odluke, usklade formu i elemente obrazaca, odnosno uvedu odgovarajuće kantonalne obrasce kojima se stranka obraća kantonalnim ministarstvima i drugim tijelima kantonalne uprave prilikom pokretanja administrativnih postupaka, u roku od 60 dana od dana stupanja na snagu Odluke.

Član 5.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-_____ /13.
Datum, 18.07.2013. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ured premijera,
1x Stručna služba Skupštine Zeničko-dobojskog kantona,
1x Svim ministarstvima i drugim tijelima kantonalne uprave,
1x “Službene novine Zeničko-dobojskog kantona”,
1x a/a.